

SAMPYKKT
um breytingu á samþykkt um stjórn Stykkishólmsbæjar,
nr. 731/2013, með síðari breytingum.

1. gr.

3. töluliður 2. mgr. 10. gr. samþykktarinnar verður svohljóðandi:

Önnur mál sem falla undir verksvið bæjarstjórnar og bæjarstjóri eða forseti bæjarstjórnar ákveða að taka á dagskrá eða einhver bæjarstjórnarmaður óskar að tekin verði á dagskrá, s.s. fyrirspurnir um tiltekin mál sem gert er ráð fyrir að svarað verði á vettvangi bæjarstjórnar.

2. gr.

J-liður 3. mgr. 16. gr. samþykktarinnar verður svohljóðandi:

Réttur til bókunar. Þeir sem hafa rétt til að taka þátt í umræðum í bæjarstjórn eiga rétt á að fá bókaðar í fundargerð stuttar athugasemdir um afstöðu til þeirra mála sem til umræðu eru. Ekki skal færa í gerðabók greinargerðir, fyrirspurnir sem gert er ráð fyrir að svarað verði á öðrum vettvangi en í bæjarstjórn eða hvers konar skriflegan málflutning um afstöðu bæjarfulltrúa til máls sem til meðferðar er.

3. gr.

2. mgr. 21. gr. samþykktarinnar verður svohljóðandi:

Bæjarstjórnarmaður skal eiga eðlilegan aðgang að skrifstofu og stofnunum sveitarfélagsins í þeim tilgangi að kynna sér starfsemi sveitarfélagsins og rekstur. Óski bæjarfulltrúi gagna eða upplýsinga um stöðu mála skal hann beina erindi til bæjarstjóra sem hefur milligöngu um að veita viðkomandi upplýsingar og afrit af gögnum að því marki sem lög leyfa.

4. gr.

27. gr. samþykktarinnar verður svohljóðandi:

Bæjarstjórn skal á fyrsta fundi að afloknum bæjarstjórnarkosningum kjósa þrjá bæjarstjórnarmenn og jafnmarga varamenn í bæjarráð til eins árs. Aðalmenn í bæjarstjórn eru einir kjörgengir sem aðalmenn í bæjarráð. Aðal- og varamenn af sama framboðslista og hinn kjörni bæjarráðsmaður skulu vera varamenn hans í þeirri röð sem þeir skipuðu listann þegar kosið var til bæjarstjórnar.

Bæjarstjórn kýs formann og varaformann bæjarráðs úr hópi kjörinna bæjarráðsmanna.

Bæjarráð getur ráðið sér fundarritara utan bæjarráðs.

Kosning í bæjarráð skal vera leynileg og bundin hlutfallskosning sé þess óskað.

5. gr.

31. gr. samþykktarinnar verður svohljóðandi:

Framboðsaðili sem fulltrúa á í bæjarstjórn en ekki í bæjarráði má tilnefna bæjarfulltrúa til setu í bæjarráði með málfrelsi og tillögurétt. Framboðsaðila sem á áheyrnarfulltrúa í bæjarráði er heimilt að tilnefna varamann í forföllum aðalmanns.

Áheyrnarfulltrúi í bæjarráði skal vera aðalmaður í bæjarstjórn. Aðal- og varamenn af sama framboðslista og áheyrnarfulltrúinn skulu vera varaáheyrnarfulltrúar hans í þeirri röð sem þeir skipuðu listann þegar kosið var til bæjarstjórnar.

6. gr.

33. gr. samþykktarinnar verður svohljóðandi:

Bæjarráð gerir tillögur til bæjarstjórnar um afgreiðslu einstakra mála sem það fær til meðferðar. Bæjarráði er þó heimil fullnaðarafgreiðsla mála sem ekki varða verulega fjárhag bæjarsjóðs eða stofnana hans, enda sé ekki ágreiningur milli bæjarráðsmanna eða við bæjarstjóra um slíka afgreiðslu og ákvörðun rúmast innan fjárhagsáætlunar til eins árs og áætlunar til fjögurra ára, eigi hún við. Undir þessa heimild falla styrkveitingar innan ramma fjárhagsáætlunar bæjarins til einstaklinga, félagasamtaka eða annarra lögaðila og eru í samræmi við reglur sem bæjarstjórn hefur sett.

Bæjarráði er heimilt að fullnaðarafgreiða umsagnir vegna umsókna um rekstrarleyfi á grundvelli ákvæða laga um veitingastaði, gistiði og skemmtanahald nr. 85/2007, og reglugerða sem settar eru á grundvelli þeirra laga.

Bæjarráð tekur fullnaðarákvvarðanir um úthlutanið lóða fyrir íbúðar- og atvinnuhúsnaði á grundvelli reglna sem bæjarstjórn hefur sett.

Þá getur bæjarstjórn falið bæjarráði fullnaðarafgreiðslu annarra mála sem eigi varða verulega fjárhag sveitarfélagsins, nema lög eða eðli máls mæli sérstaklega gegn því.

Bæjarráði er heimil fullnaðarafgreiðsla mála þegar bæjarstjórn er í sumarleyfi, sem ekki varða verulega fjárhag bæjarsjóðs eða stofnana hans, enda sé ekki ágreiningur milli bæjarráðsmanna eða við bæjarstjóra um slíka afgreiðslu.

Fullnaðarákvvarðanir sem teknar hafa verið á grundvelli þessarar greinar sæta ekki eiginlegu málskoti innan stjórnsýslu sveitarfélagsins heldur getur aðili máls átt rétt á endurupptöku ákvörðunar, sbr. 24. gr. stjórnsýslulaga nr. 37/1993. Ef óskað er endurupptöku máls sem bæjarráð hefur afgreitt samkvæmt þessari skal leggja það fyrir bæjarstjórn til endanlegrar afgreiðslu.

7. gr.

1. málsl. 37. gr. samþykktarinnar verður svohljóðandi:

Fundargerðir nefnda, ráða og stjórna bæjarins, annarra en bæjarráðs, skulu teknar á dagskrá bæjarráðs og skal það gert svo fljótt sem unnt er að afloknum nefndarfundi.

8. gr.

52. gr. samþykktarinnar verður svohljóðandi:

Um hlutverk og valdsvið nefnda, ráða og stjórna á vegum bæjarins og aðkomu starfsmanna að starfi þeirra, fer eftir því sem ákveðið er í lögum, reglugerðum, viðaukum eða erindisbréfum nefndra og reglum sem bæjarstjórn setur.

Bæjarstjórn er heimilt að fela nefndum og embættismönnum fullnaðarafgreiðslu mála á sama hátt og með sömu skilyrðum og nefnd eru í 36. gr. samþykktar þessarar. Skal kveðið á um slíkar heimildir í samþykktum stjórn og fundarsköp eða í sérstökum viðauka með samþykkt þessari.

Bæjarstjórn skal setja skýrar reglur um afgreiðslu embættismanna en viðkomandi fagnefndir hafa eftirlit með þeim og kalla reglulega eftir skýringum og upplýsingum um ákvárdanir sem teknar eru á grundvelli þeirra.

Embættismanni er alltaf heimilt að vísa ákvörðun skv. 2. mgr. til viðkomandi fagnefndar til fullnaðarafgreiðslu.

Að uppgefnum skilyrðum 24. gr. stjórnsýslulaga nr. 37/1993, um endurupptöku, á aðili máls rétt á því að mál hans verði tekið fyrir á ný. Beiðni um endurupptöku skal beint til bæjarráðs.

9. gr.

Í samræmi við heimild 52. gr. samþykktarinnar, sbr. 4. gr. hér að framan, bætast við samþykktina viðauki I um embættisafgreiðslur byggingarfulltrúa og viðauki II um embættisafgreiðslur bæjarritara.

Viðaukarnir eru birtir með samþykkt þessari.

10. gr.

Samþykkt þessi sem bæjarstjórn Stykkishólmsbæjar hefur sett samkvæmt ákvæðum 9. gr. og 18. gr. sveitarstjórnarlaga nr. 138/2011, staðfestist hér með til að öðlast þegar gildi.

Samgöngu- og sveitarstjórnarráðuneytinu 2. mars 2020.

F. h. r.

Hermann Sæmundsson.

Stefania Traustadóttir.

**VIÐAUKI I
Embættisafgreiðslur byggingarfulltrúa.**

1. gr.

Byggingarfulltrúinn í Stykkishólmsbæ afgreiðir án staðfestingar skipulagsnefndar og bæjarstjórnar mál, sem talin eru upp í 2. gr. þessa viðauka og falla undir lög um mannvirki nr. 160/2010 og skilgreind eru sem verkefni byggingarnefndar, sbr. heimild í 52. gr. samþykktar þessarar og 42. gr. sveitarstjórnarlaga nr. 138/2011 með síðari breytingum.

2. gr.

Um afgreiðslu byggingarleyfa gilda ákvæði III. kafla laga um mannvirki nr. 160/2010. Byggingarfulltrúa er því heimilt, sbr. 1. gr., að gefa út byggingarleyfi að uppfylltum þeim skilyrðum sem fram koma í 13. gr. laga um mannvirki nr. 160/2010 og 2.4.4. gr. í byggingarreglugerð nr. 112/2012.

Afgreiðslur byggingarfulltrúa skv. 1. mgr. skulu fara fram á formlegum afgreiðslufundum byggingarfulltrúa og skulu haldnar fundargerðir yfir afgreiðslur hans með sama hætti og gildir um fastanefndir Stykkishólmsbæjar.

3. gr.

Framangreindar afgreiðslur byggingarfulltrúa skulu lagðar fram til kynningar á næsta reglulega fundi skipulagsnefndar og bæjarstjórnar.

4. gr.

Byggingarfulltrúi getur ávallt vísað máli skv. 2. gr. til afgreiðslu skipulagsnefndar og/eða bæjarstjórnar. Ef ætla má að aðili máls muni ekki sæta niðurstöðu byggingarfulltrúa skal hann vísa málinu til afgreiðslu skipulagsnefndar.

5. gr.

Um afgreiðslur byggingarfulltrúa gilda eftir því sem við á ákvæði laga um mannvirki nr. 160/2010, ásamt ákvæðum í þeim reglugerðum sem settar eru á grundvelli laganna og samþykktu og reglna bæjarstjórnar er til þeirra taka.

6. gr.

Óski aðili frekari rökstuðnings vegna afgreiðslu byggingarfulltrúa skv. 2. gr. eða komi hann á framfæri kvörtun, skal honum leiðbeint um heimild til að óska endurupptöku erindis í bæjarráði með hliðsjón af 24. gr. stjórnsýslulaga nr. 37/1993. Telji bæjarráð að skilyrði um endurupptöku séu fyrir hendi skal skipulagsnefnd taka erindið upp að nýju.

Aðila máls skal leiðbeint um rétt hans til að skjóta málinu til úrskurðarnefndar umhverfis- og auðlindamála samkvæmt lögum nr. 130/2011, þ. á m. um kærufrest.

**VIÐAUKI II
Embættisafgreiðslur bæjarritara.**

1. gr.

Bæjarritari Stykkishólmsbæjar afgreiðir umsóknir um styrki til greiðslu fasteignaskatts af húsnæði sem ekki er nýtt í ágóðaskyni, svo sem vegna menningar-, íþrótt-, æskulýðs- og tómstundastarfsemi eða vinnu að mannúðarstörfum skv. reglum sveitarfélagsins þar um sem samþykktar voru í bæjarstjórm 22. júní 2017.

2. gr.

Framangreindar afgreiðslur bæjarritara skulu lagðar fram til kynningar á næsta reglulega fundi bæjarráðs.

Nr. 222

2. mars 2020

3. gr.

Bæjarritari getur ávallt vísað máli skv. 1. gr. til afgreiðslu bæjarráðs og/eða bæjarstjórnar. Ef ætla má að aðili máls muni ekki sæta niðurstöðu bæjarritara skal hann vísa málinu til afgreiðslu bæjarráðs.

4. gr.

Óski aðili frekari rökstuðnings vegna afgreiðslu bæjarritara skv. 1. gr. eða komi hann á framfæri kvörtun, skal honum leiðbeint um heimild til að óska endurupptöku erindis í bæjarráði með hliðsjón af 24. gr. stjórnsýslulaga nr. 37/1993. Telji bæjarráð að skilyrði um endurupptöku séu fyrir hendi skal bæjarráð taka erindið upp að nýju.

B-deild – Útgáfud.: 17. mars 2020